

重刊巢氏諸病源候總論

四







○解散病諸候——凡二十六論

寒食散發候

夫散脉或洪實或斷絕不足欲似死脉或細數或弦駛坐所  
犯非一故也脉無常投醫不能識熱多則弦駛有癖則洪實  
急痛則斷絕凡寒食藥率如是無苦非死候也勤從節度不  
從節度則死矣欲服散宜診脉候審正其候爾乃罷愈脉沈  
數者難發難發當數下之脉浮大者易發也人有服散兩三  
劑不發者此人脉沈難發發不令人覺藥勢行已藥但於內  
發不出形於外欲候知其得力人進食多是一候氣下顏色  
和悅是一候頭面身癢瘙是三候策策惡風是四候厭厭欲  
寐是五候也諸有此證候者皆藥內發五藏不形出於外但

如方法服散勿疑但數下之則內虛自當發也諸方互有不  
同皇甫唯欲將冷藥立公欲得暖將之意其多有情致也世  
人未能得其深趣故鮮能用之然其方法猶多不盡但論服  
藥之始將息之度不言發重之後治解之宜多有闕略江左  
有道弘道人深識法體凡所救療妙驗若神製解散對治方  
云鍾乳對木又對枯婁其治主肺上通頭骨木動鍾乳胃塞  
短氣鍾乳動木頭痛目疼又鍾乳雖不對海蛤海蛤動則目  
痛短氣有時木動鍾乳直頭痛胃塞然鍾乳與木所可為患  
不過此也雖所患不同其治亦一矣發動之始要其有始由  
覺體中有異與上患相應便速服葱白豉湯又云硫黃對防  
風又對細辛其治主脾腎通腰脚防風動硫黃煩疼腰痛或  
頭忽無常或下利不禁防風細辛能動硫黃硫黃不能動彼  
始覺發便服杜仲湯白石英對附子其治主胃通至脾腎附





子動白石英煩滿腹脹白石英動附子則嘔逆不得食或口  
噤不開或言語難手脚疼痛覺發服生麥門冬湯紫石英對  
人參其治主心肝通至腎脚人參動紫石英心急而痛或驚  
悸不得眠臥或恍惚忘誤失性狂發或黯黯欲眠或憤憤喜  
瞑或瘥或劇乍寒乍熱或耳聾目暗又防風雖不對紫石而  
能動紫石紫石由防風而動人參人參動亦心痛煩熱頭項  
強始覺便宜服麻黃湯亦石脂對桔梗其治主心通至胃背  
枯梗動赤石心痛口噤手足逆冷心中煩悶赤石動桔梗頭  
痛目赤身體壯熱始覺發即溫酒飲之隨能數杯酒勢行即  
解亦可服大麥麩良復若不解復服木對鍾乳木發則頭痛  
目赤或舉身壯熱解與鍾乳同附子對白石英亦對赤石脂  
附子發則嘔逆手脚疼體強骨節痛或項強面目滿腫飲酒  
食麩自愈若不愈與白石英同解人參對紫石英人參發則

病原六丁

二

煩熱頭項強解與紫石英同桔梗對赤石脂又對茯苓又對  
牡蠣桔梗發則頭痛目赤身體壯熱解與赤石同乾薑無所  
偏對

有說者云藥性草木則速發而易歇土石則遲發而難歇也  
夫服藥草石俱下於喉其勢厲盛衰皆有先後其始得效皆  
是草木先盛耳土石方引日月也草木少時便歇石勢猶自  
未成其疾者不解消息便謂頓休續後更服或謂病痼藥微  
倍更增石或更雜服衆石非一也石之爲性其精華之氣則  
合五行乃益五藏其滓穢便同灰土也夫病家氣血虛少不  
能宣通雜石之性卒相和合更相塵瘵便成牢積其病身不  
知是石不和精華不發不能致熱消疾便謂是冷盛年劇服  
之無已不知石之爲體體冷性熱其精華氣性不發其冷如  
冰而疾者其石入腹即熱既不即熱服之彌多是以患冷

散



之人不敢寒食而大服石石數彌多其冷癖尤劇皆石性不  
發而積也亦有雜餌諸石丸酒單服異石初不息唯以大散  
為數而已有此諸害其證甚多小品方云道弘道人製解散  
對治方說草石相對之和有的能發動為證世人逐易不逆  
思尋古今方說至於動散臨急便就服之既不救疾便成委  
禍大散由來是難將之藥夫以大散難將而未經服者乃前  
有慎耳既心期得益苟就服之已服之人便應研習解救之  
宜異日動之便得自救也夫身有五石之藥而門內無解救  
之人輕信對治新方逐易服之從非棄是不當枉命誤藥邪  
檢神農本草經說草石性味無對治之和無指的發動之說  
按其對治之和亦依本草之說耳且大散方說主患注藥物  
不說其所主治亦不說對和指的發動之性也覽皇甫士安  
撰解散說及將服消息節度亦無對和的發之說也復有稟

石石六十一

三

丘家將溫法以救變敗之色亦無對和的動之說若以藥性  
相對為神者括婁惡乾薑此是對之大害者道弘說對治而  
不辨此道弘之方焉可從乎今不從也當從皇甫節度自更  
改括婁便為良矣患熱則不服其藥惟患冷者服之耳自可  
以除括婁若虛勞脚弱者以石斛十分代括婁若風冷上氣  
欬者當以豨莩死十分代括婁二法極良若雜患常疾者止除  
括婁而已慎勿加餘物皇甫云然寒食藥者世莫知焉或言  
華佗或曰仲景考之於實化之精微方類單省而仲景經有  
侯氏黑散紫石英方皆數種相出入節度略同然則寒食草  
石二方出自仲景非佗也且佗之為治或剗斷腸胃滌洗五  
臟不絕任方也仲景雖精不及於佗至於審方物之候論草  
石之宜亦妙絕眾醫及寒食之療者御之至難將之甚苦近  
世尚書向晏耽聲好色始服此藥心加開朗體力轉強京師

散



翁然傳以相授歷歲之困皆不終朝而愈衆人喜於近利未  
觀後患晏死之後服者彌繁于時不輟余亦豫焉或暴發不  
常天害年命是以族弟長互舌縮入喉東海王良夫離瘡陷  
背隴西辛長緒脊肉爛潰蜀郡趙公烈中表六喪悉寒食散  
之所爲也遠者數十歲近者五六歲余雖視息猶溺人之笑  
耳而世人之患病者由不能以斯爲戒失節之人多來問余  
乃喟然歎曰今之醫官精方不及華佗審治莫如仲景而競  
服至難之藥以招甚苦之患其夭死者焉可勝計哉咸寧四  
年平陽太守劉泰亦沈斯病使使問余救解之宜先時有姜  
子者以藥困絕余實生之是以聞焉然身自荷毒雖才士不  
能書辨者不能說也苟思所不逮暴至不旋踵敢以教人乎  
辭不獲已乃退而惟之求諸本草考以素問尋故事之所更  
參氣物之相使并列四方之本注釋其下集而與之匪曰我

能也蓋三折臂者爲醫非生而知之試驗亦其次也服寒食  
散二兩爲劑分作三貼清日溫醇酒服一貼移日一丈復服  
一貼移日二丈復服一貼如此三貼盡須更以寒水洗手足  
藥氣兩行者當小痺便因脫衣以冷水極浴藥勢益行周體  
涼了心意開朗所患即瘥雖羸困著床皆不終日而愈人有  
強弱有耐藥若人羸弱者可先小食乃服若人強者不須食  
也有至三劑藥不行者病人有宿癖者不可便服也當先服  
消石大丸下去乃可服之服藥之後宜煩勞若羸者床不能  
行者扶起行之常當寒衣寒飲寒食寒卧極寒益善若藥未  
散者不可浴浴之則於寒使藥噤不發令人戰掉當用溫酒  
飲食起跳踴春磨出刀令溫乃浴解則止勿過多也又當數  
冷食無晝夜也一日可六七食若失食飢亦令人寒但食則  
溫矣若老小不耐藥者可減一二兩強者過一二兩少小氣盛及



產婦臥不起頭不去巾帽厚衣對火者服散之後便去衣巾  
將冷如法勿疑也虛人亦治又與此藥相宜實人勿服也藥  
雖良令人氣力兼倍然其難將息適大要在能善消息節度  
專心候察不可失意當絕人事唯病著牀虛所不能言感病  
者精意能盡藥意者乃可服耳小病不能自勞者必廢失節  
度慎勿服也若大傷寒者下後乃服之便極飲冷水若產婦  
中風寒身體強痛不得動搖者便溫服一劑因以寒水浴即  
瘥以浴後身有痺處者便以寒水洗使周徧初得小冷當數  
食飲酒於意後憤憤不了快者當復冷水浴甚者水畧不去  
體也若藥偏在一處偏痛偏冷偏熱痺及眩煩腹痛者便以  
水逐洗於水下即了矣如此晝夜洗藥力盡乃止凡服此  
藥不令人吐下也病皆愈若鬲上大滿欲吐者便餽食即安  
矣服藥之後大便當變於常故小青黑色是藥染且勿恠之

也若亦溫溫欲吐當遂吐之不令極也明日當更服若浴晚  
者藥勢必不行則不堪冷浴不可強也當如法更服之凡洗  
太早則藥禁寒太晚則吐亂不可失過也寒則出力洗吐則  
速冷食若不飢為寒者食自溫常常將冷不可執炎之也若  
溫衣溫食溫臥則吐逆顛覆矣但冷飲食冷浴則瘥矣凡服  
藥者服食皆冷唯酒冷執自從或一日而解或二十餘日解  
常飲酒令體中醺醺不絕當飲醇酒勿飲薄白酒也體內重  
令人變亂若不發者要當先下乃服之也寒食藥得節度者  
一月轉解或二十日解堪溫不堪寒即以解之候也其失節  
度者頭痛欲裂坐服藥食溫作瘳急宜下之或兩目欲脫坐  
犯熱在肝速下之將冷自止或腰痛欲癢坐衣厚體溫以冷  
洗浴冷石熨也或眩冒欲暈坐衣裳犯熱宜斷頭冷洗之或  
腹疼欲折坐久坐下溫宜常令牀上冷水洗也或腹脹欲決



甚者斷衣帶坐寢處又下熱又得溫失食失洗不起行但冷食冷洗當風立或心痛如刺坐當食而不食當洗而不洗寒熱相結氣不通結在口中口不得自當校口但與熱酒任本性多少其令酒氣兩得行氣自通得噫因以冷水澆淹手巾著所苦處溫復易之自解解便速冷食能多益善於諸痛之內心痛最急救之若赴湯火乃可濟耳或有氣斷絕不知人時蹶口不得開病者不自知當須傍人救之要以熱酒為性命之本不得下者當斷齒以酒灌咽中咽中穴逆酒入腹還出者但與勿止也出復內之如此或半日酒下氣蘇酒不下者便殺人也或下利如寒中坐行止食飲飲犯熱所致人多疑冷病人又滯癖皆犯熱所為慎勿疑也速脫衣冷食飲冷洗也或百節痠疼坐臥太厚又入溫被中衣溫不脫衣故也臥下當極薄單布不著絲也當薄且垢故勿著新衣多著絨

也雖冬寒常常被頭受風以冷石熨衣帶不得繫也若犯此痠悶者但入冷水浴勿忍病而畏浴也或於戰患寒如傷寒或發熱如瘧坐食忍飢洗冷不行便坐食臭故也急冷洗起行或惡食如臭物坐溫衣作癖也當急下之若不下萬救終不瘥也或咽中痛鼻塞清涕出坐溫衣近火故也但脫衣冷水洗當風以冷石熨咽頰五六徧自瘥或腎脊氣逆乾嘔坐飢而不食藥氣重暈故也但冷食冷飲冷洗即瘥或食下便出不得安坐有癖但下之或淋不得小便又坐溫及騎馬鞍熱入膀胱也冷食以冷水洗小腹以冷石熨一日即止或大行難腹中牢固如蛇盤坐犯溫久積腹中乾糞不去故也消酥若膏便寒服一二升浸潤則下不下更服即瘥或寒慄頭掉不自支任坐食少藥氣行於肌膚五臟失守百脉搖動與氣爭競故也努力強飲熱酒以和其脉強冷令冷飲以定其



藏強起行以調其關節酒行食充關機以調則洗了矣云了  
者是瑟然病除神明了然之狀也或關節強直不可屈伸坐  
久停息不息煩勞藥氣停止絡結不敢越沈滯於血中故也  
住力自溫便冷洗即瘥云在力自溫者令行動出力從勞則  
發溫也非厚衣近火之溫也或小便稠數坐熱食及噉諸含  
熱物餅黍之屬故也以冷水洗少腹服梔子湯即瘥或失氣  
不可禁坐犯溫不時洗故也冷洗自寒即止或遺糞不自覺  
坐久坐下溫熱氣上入胃少腹不禁故也冷洗即瘥或月痛  
如刺坐熱熱氣衝肝上奔兩眼故也勤冷食清旦溫小便洗  
不過三即瘥或耳鳴如風聲汁出坐自勞出力過矣房室不  
節氣逆奔耳故也勤好飲食稍稍行步數食節情即止或口  
傷舌強爛燥不得食少穀氣不足藥在胃脘中故也急作梔  
子散湯或手足偏痛諸節解身體發癱瘡鞣結坐寢屢久不

病原六十一

七

自移從暴熱偏併聚在一處或鞣結核痛甚者發如癰覺便  
以冷水洗冷石熨微者食頃散也劇者數日水不絕乃差洗  
之無限要瘥爲期若大不瘥即取磨刀石火燒令熱赤以石  
投苦酒中石入苦酒皆破裂因搗以汁和塗癰上三即瘥取  
糞中大蠶蟻搗令熟以塗癰上亦不過三再即瘥尤良或飲  
酒不解食不復下乍寒乍熱不洗便熱洗復寒甚者數十日  
輕者數日晝夜不得寐愁憂恚怒白驚跳悸恐恍惚忘誤者  
坐犯溫積久寢屢失節食熱作癰內實使熱與藥并行寒熱  
交爭雖以法救之終不可解也吾嘗如此對食垂涕援刀欲  
自刺未及得施賴家親見迫奪故事不行退而自佳乃強食  
冷飲水遂止禍不成若絲髮矣凡有寒食散藥者雖素聰明  
發皆頑囂告捨難愈也以此死者不可勝計急飲三黃湯下  
之當吾之困也舉家知親皆以見分刺賴亡兄士元披方得



三黃湯方合使吾服大下即瘥自此常以救急也或脫衣便寒著衣便熱坐脫著之間無適故小寒自可著小溫便脫即洗之即慧矣慎勿忍使病發也洗可得了然瘥忍之則病成矣或齒腫脣爛齒牙搖痛頰車噤坐犯熱不時救故也當風張口使冷氣入咽漱寒水即瘥或周體患腫不能自轉徙坐又停息又不飲酒藥氣沈在皮膚之內血脈不通故也飲酒冷洗自勞行即瘥極不能行使入秩或車行之事宜違意勿聽從之使支節柔訓乃止勿令過差過則使極更爲失度熱者復洗也或患冷食不可下坐久冷食食口中不知味故也可作白酒漿益著酥熱食一兩頓悶者冷飲還冷食或陰囊臭爛坐席厚下熱故也坐冷水中即瘥或腳趾間生瘡坐著覆溫故也脫履著履以冷水洗足即愈或兩腋下爛作瘡坐兩臂脇相親也以物懸手離脇冷熨之即瘥或嗜寐不能自覺

病原六十一

八

又坐熱悶故也急起洗浴飲冷自精了或有癖也當候所宜下之或夜不得眠坐食少熱在內故也當服梔子湯數進冷食或咳逆咽中傷清血出坐臥溫故也或食溫故也飲冷水冷熨咽外也或得傷寒或得溫瘧坐孔熱所爲也凡常服寒食散雖以久解而更病者要先以寒食救之終不中冷也若得傷寒及溫瘧者卒可以常藥治之無咎也但不當飲熱藥耳傷寒藥皆除熱瘧藥皆除癖不與寒食相妨故可服也或藥發輒并臥不以語人坐熱氣盛食少穀不充邪干正性故也飲熱酒冷食自勞便佳或寒熱緊月張口大呼眼視高精候不與人相當日用水百餘石澆不解者坐不能自勞又飲冷酒復食溫食譬如暈人心下更寒以冷救之愈劇者氣結成冰得熱熨飲則冰銷氣通暈人乃解之藥熱聚心乃更寒戰亦如暈人之類也速與熱酒寒解氣通酒兩行於四肢周



體悉溫然後以冷水三斗洗之儘然了矣河東裴季彦服藥失度而處三公之尊人不敢強所欲已錯之後其不能自知左右人不解救之救之法但飲冷水以水洗之用水數百石寒遂甚命絕於水中良可痛也夫以十石焦炭二百石水沃之則炭滅矣藥熱雖甚未如十石之火也沃之不已寒足殺人何怨於藥乎不可不曉此意世人失救者例多如此欲服此藥者不唯已自知也家人皆宜習之使孰解其法乃可用相救也吾每一發氣絕不知人雖復自知有方力不復施也如此之弊歲有八九幸家人大小以法救之猶時有小違錯况都不知者哉或大便稠數坐久失節度將死候也如此難治矣為可與湯下之儻十得一生耳不與湯必死莫畏不與也下已致死令不恨也或人困已而脈不絕坐藥氣盛行於百脈人之真氣已盡唯有藥氣尚自獨行故不絕非生氣

考原六十一

九

也或死之後體故溫如人肌腹中雷鳴顏色不變一兩日乃似死人耳或灸之尋死或不死坐藥氣有輕重故有死生雖灸得生生非已疾之法終當作禍宜慎之大有此故也或服藥心中亂坐服溫藥與疾爭結故也法當大吐下若不吐下當死若不吐吐者冷飲自了然瘥或偏臂脚急痛生久藉待卧溫不自轉移熱氣入肌附骨故也勤以布冷水淹搦之溫復易之或肌皮鞣如木石枯不可得屈伸坐食熱卧溫作瘥又不下五藏隔閉血脈不周通故也但下之冷食飲酒自勞行即瘥或四支面目皆浮腫坐食飲溫又不自勞藥與正氣停并故也飲熱酒冷食自勞冷洗之則瘥或慎無所見坐飲食居處溫故也脫衣自洗但冷飲食須臾自明了或鼻中作蝦雞子臭坐著衣溫故也脫衣冷洗即瘥或身皮楚痛轉移不在一處如風坐犯熱所為非得風也冷洗髮之即瘥或脚



痰欲折由又坐下温宜坐單牀上以冷水洗即愈或苦頭眩  
目疼不用食由食及犯熱心滿有癖故也可下之或臂脚偏  
急苦痛者由又坐卧席温下熱不自移轉氣入肺胃脾骨故  
也勤以手巾淹冷水迫之温則易之如此不過兩日即瘥凡  
治寒食藥者雖治得瘥師終不可以治為恩非得治人後忘  
得効以皆如文摯治齊王病先使王怒而後病已文摯以是  
雖愈王病而終為王所殺今救寒食者要當逆常理反正性  
成犯怒之自非達者得瘥之後心念犯怒之怨不必得治之  
恩猶齊王殺文摯也后與太子不能救况於凡人哉然死生  
大事也如知可生而不救之非仁者也唯仁者心不已必冒  
犯怒而治之為親戚之故不但其人而已凡此諸效皆吾所  
親更也試之不借問於他人也要當違人理反常性重衣更  
寒一反也亂則生臭二反也極則自勞三反也温則滯利四

禹源六十一

反也飲食欲寒五反也癰瘡水洗六反也當洗勿失時一急  
也當食勿忍飢二急也酒必淳清令温三急也衣温便脫四  
急也食必極冷五急也卧必衣薄六急也食不厭多七急也  
冬寒欲火一不可也飲食欲熱二不可也常疹自疑三不可  
也畏避風涼四不可也極不能行五不可也飲食畏多六不  
可也居貧厚席七不可也所欲從意八不可也務違常理一  
無疑也委心弃本二無疑也寢處必寒三無疑也

解散痰癖候

服散而飲過度將適失宜衣厚食温則飲結成痰癖其狀痰  
多則胸膈否滿頭眩痛癖結則心脇結急是也

解散除熱候

夫服散之人覺熱則洗覺飢則食若洗食不時失其節度令  
石勢壅結否塞不解而生熱故須以藥除之



解散浮腫候

服散而浮腫者由食飲溫而又自勞藥勢與血氣相并使氣壅在肌膚不得宣散故令浮腫或外有風濕內有停水皆與散勢相搏致令煩熱而氣壅滯亦令浮腫若食飲溫不自勞而腫者但煩熱虛腫而已其風濕停水而已者則心腫而煩熱或小便澁而腫

解散渴候

夫服石之人石勢歸於腎而勢衝府藏府藏既熱津液渴燥腎惡燥故渴而引飲也

解散上氣候

服散將適失所取溫太過熱搏榮衛而氣逆上其狀背滿短氣是也

解散心腹痛心澀候

病源六丁

十一

胃間有寒胃脘有熱寒熱相搏氣逆攻腹乘心故心腹痛其寒氣盛勝於熱氣榮衛澀不通寒氣內結於心故心腹痛而心澀寒也其狀心腹痛而戰澀不能言語是也

解散大便秘難候

將適失宜犯溫過度散勢不宣熱氣積在腸胃故大便秘難也

解散虛冷小便多候

將適失度熱在上焦下焦虛冷冷氣乘於胞故胞冷不能制於小便則小便多

解散大便血脈

將適失度或取熱或傷冷觸動於石冷熱交擊俱乘於血致動血氣血滲入於大腸腸虛則泄故大便血

解散卒下利候



行止違節飲食失度犯能解散而腸胃虛弱故卒然下利也

解散下利後諸病候

服散而飲食失度居處違節或霍亂或傷寒或服藥而下利利雖斷而血氣不調石勢因動致生諸病其狀或手足煩熱或口噤或嘔逆之類是也隨其病證而解之

解散大小便難候

積服散散勢盛在內熱氣乘於大小腸大小腸否澀故大小便難也

解散小便不通候

夫服散石者石勢歸於腎而内生熱熱結小腸胞內否澀故小便不通

解散熱淋候

夫服散石石勢歸於腎若腎氣宿虛者今因石熱而又將適

病原六丁

十一

失度虛熱相搏熱乘於腎腎主水水行小腸入胞為小便腎虛則小便數熱結則小便澀澀則莖內痛故淋瀝不快也

解散發黃候

飲酒內熱因服石石勢又熱熱搏脾胃脾胃主土其色黃而候於肌肉積熱蘊結蒸發於肌膚故成黃也

解散脚熱腰痛候

腎主腰脚服石熱歸於腎若將適失度發動石熱氣乘腰脚石與血氣相擊故脚熱腰痛也其狀脚煩熱而腰攣痛

解散鼻塞候

石發則將冷其熱盡之候冷氣不退者冷乘於肺肺主氣開竅於鼻其冷滯結不宣通故鼻塞

解散發瘡候

將適失且外有風邪內有積熱熱乘於血血氣壅滯故使生



瘡

解散癰腫候

六府不和而成癰夫服散之人若將適失宜散動熱氣內乘六府六府血氣行於經脈經脈為熱所搏而外有風邪乘之則石熱癰結血氣否澀而成癰腫

解散煩悶候

將適失宜冷熱相搏石勢不宣化熱氣乘於藏故令煩悶也

解散嘔逆候

將適失宜脾胃虛弱者石勢結滯乘於脾胃致令脾胃氣不和不能勝於穀故氣逆而嘔調之即愈

解散目無所見目疼候

將適失宜飲食乘度鬲内生痰熱痰熱之氣熏肝肝候目故目無所見而疼痛

十三

解散心腹脹滿候

居處犯溫致令石勢不宣內壅府藏與氣相搏故心腹脹滿

解散挾風勞候

本患風勞而服散石風勞未盡石勢固發解石之後體尚虛羸故猶挾風勞也

解散飲酒發熱候

服散而積飲酒石因酒勢而盛敷散經絡故煩而發熱也

重刊巢氏諸病源候總論卷之六



傷寒病諸候

凡二十二論

傷寒候

經言春氣溫和夏氣暑熱秋氣清凉冬氣冰寒此則四時正氣之序也冬時嚴寒萬類深藏君子固密則不傷於寒夫觸冒之者乃為傷耳其傷於四時之氣皆能為病而以傷寒為毒者以其最為殺厲之氣也即病者為傷寒不即病者其寒毒藏於肌骨中至春變為溫病夏變為暑病暑病者熱重於溫也是以辛苦之人春夏必有溫病者皆由其冬時觸冒之所致非時行之氣也其時行者是春時應暖而反寒夏時應熱而反冷秋時應涼而反熱冬時應寒而反溫非其時而有其氣是以一歲之中病無少長多相似者此則時行之氣也

夫傷寒病者起自風寒入於腠理與精氣交爭榮衛否隔周行不通病一日至二日氣在孔竅皮膚之間故病者頭痛惡寒腰背強重此邪氣在表洗浴發汗即愈病三日以上氣浮在上部胃心填塞故頭痛骨中滿悶當吐之則愈病五日以上氣深結在藏故腹脹身重骨節煩疼當下之則愈夫熱病者皆傷寒之類也或愈或死皆以六七日間其愈皆以十日以上何也巨陽者諸陽之屬也其脈連於風府故為諸陽主氣人之傷於寒也故則為病熱雖甚不死其兩感於寒而病者必死兩感於寒者其脈應與其病形何如兩傷於寒者病一日則巨陽與少陰俱病則頭痛口乾煩滿二日則陽明與太陰俱病則腹滿身熱不食謔言三日則少陽與厥陰俱病則耳聾囊縮厥逆水漿不入則不知人六日而死夫五藏已傷六府不通榮衛不行如是之後三日乃死何也陽明者

傷寒



二經脈之長也其氣血盛故不知人三日其氣乃盡故死其  
不兩傷於寒者一日巨陽受之故頭項痛腰脊強二日陽明  
受之陽明主肉其脈夾鼻絡於目故身熱而鼻乾不得卧也  
三日少陽受之少陽主骨其脈循脇絡於耳故脅痛耳聾  
三陽經絡皆受病而未入通於藏也故可汗而已四日太陰  
受之太陰脈布於胃絡於嗌故腹滿而嗌乾五日少陰受之  
少陰脈貫腎絡肺繫舌本故口熱舌乾而渴六日厥陰受之  
厥陰脈循陰器而絡於肝故煩滿而囊縮二陰三陽五藏六  
腑皆病榮衛不行五藏不通則死矣其不兩感於寒者七日  
巨陽病衰頭痛少愈八日陽明病衰身熱少愈九日少陽病  
衰耳聾微聞十日太陰病衰腹滿如故則思飲食十一日少  
陰病衰渴止不滿舌乾已而效十二日厥陰病衰囊從少腹  
微下大氣皆去病日已矣治之奈何治之各通其藏脈病日

源一

二

衰其病未滿三日者可汗而已其病二日過者可泄之而已  
太陽病頭痛至七日已上並自當愈其經竟故也若欲作再  
經者當針補陽明使經不傳則愈矣相病之法視色聽聲觀  
病之所候脈要史豈不微乎脈洪大者有熱此傷寒病也夫  
傷寒脈洪浮秋佳春成病寸口脈緊者傷寒頭痛脈來洪大  
傷寒病少陰病惡寒拳而利手足四逆者不治其人吐利躁  
逆者死利止而眩時時自冒者死四逆惡寒而拳其脈不至  
其人不煩而躁者死病六日其息高者死傷寒熱盛脈浮大  
者生沈小者死頭痛脈短濇者死浮滑者生未得汗脈盛大  
者生細小者死診人瀼瀼大熱其脈細小者死不治傷寒熱  
病脈盛躁不得汗者此陽之極士死不治未得汗脈躁疾得  
汗生不得汗難瘥頭痛脈反濇此為逆不治脈浮而大易治  
細微為難治發汗若吐下者若下血無津液者而陰陽自

第幾



必愈夫下後發汗其大小便不利此亡津液勿治其小便必  
自愈陽已虛尺中弱者不可發其汗也咽乾者不可發其汗  
也傷寒病脈弦細頭痛而發熱此為屬少陽少陽不可發汗  
發汗則誠語為屬胃胃和則愈不和則煩而悸少陰病脈細  
沈而微病在裏不可發其汗少陰病脈微亦不可發汗無  
故也陽已虛尺中弱澀者復不可下太陽病發熱而惡寒熱  
多而寒少脈微弱則無陽不可發其汗脈浮可發其汗發熱  
自汗出而不惡寒關上脈細數不可吐若諸四逆病厥者不  
可吐虛家亦然寒多熱少可吐者此謂痰多也治瘧亦如之  
頭項不強痛其脈微胃中痛牢衝喉咽不得息可吐之治傷  
寒欲下之切其脈牢實之脈或不能悉解宜下且當消息溫暖身  
滋汗濕者便可下矣若掌不汗病雖宜下且當消息溫暖身  
體都皆津液通掌亦自汗下之即了矣太陰之為病腹滿吐

病源

三

食不可下下之益甚時腹自痛下之胃下結牢脈浮可發其  
汗陽明病心下牢滿不可下下之遂利殺人不可不審不可  
脫爾禍福正在於此太陽與少陽合病心下牢頭項強眩不  
可下二陽并病腹滿身重大小便調其脈浮牢而數渴欲飲  
水此不可下其湯熨針石別有正方補養宜導今附於後  
養生方導引法云端坐生腰徐以鼻內氣以右手持鼻閉目  
吐氣治傷寒頭痛洗洗皆當以汗出為度

又云舉左手頓左足仰掌鼻內氣四十息之除身熱背痛

傷寒發汗不解候

傷寒初一日至二日病在皮膚名為在表表者陽也法宜發  
汗今發汗而不解者此是陽不受病陽受病者其人身體疼  
痛發熱而惡寒物畜拘急脈洪大有此證候則為病在表發  
汗則愈若但煩熱不惡寒身不疼痛此為表不受病故雖強



發其汗而不能解也

傷寒取吐候

傷寒大法四日病在胃鬲當吐之愈有得病二三日便心胃煩悶此為毒氣已入有痰實者便宜取吐

中風傷寒候

中風傷寒之狀陽浮熱自發陰弱汗自出啻啻惡寒淅淅惡風噦噦發熱鼻鳴乾嘔此其候也太陽病中風以火劫發其汗邪風被火熱而氣流溢失常兩陽相熏灼其身發黃陽盛即欲衄虛則小便難陰陽俱虛竭身體則枯燥但頭汗出齊頸而還腹滿微喘口乾咽爛或不大便久則誠言甚者至嘔手足躁擾尋衣摸牀小便利者其人可治陽明中風口苦而咽乾腹滿微熱惡寒脈浮若緊下之則腹滿小便難陽明病能食為中風不能食為中寒少陽中風兩耳無聞目赤胃中

病源七

四

滿而煩不可吐之吐之則悸而驚太陰中風四支煩疼其脈陽微陰澀而長為欲愈少陰中風其脈陽微陰浮為欲愈厥陰中風其脈微浮為欲愈不浮為未愈

傷寒一日候

傷寒一日大陽受病太陽者膀胱之經也為一陽之首故先受病其脈絡於腰脊主於頭項故得病一日而頭項背膊腰脊痛也

傷寒二日候

傷寒二日陽明受病陽明胃之經也主於肌肉其脈絡鼻入心故得病二日肉熱鼻乾不得眠也諸陽在表表始受病在皮膚骨之間可摩膏火灸發汗而愈

傷寒三日候

傷寒三日少陽受病少陽者膽之經也其脈循於脇上於頭



耳故得病三日膏滿熱而耳聾也三陽經絡始相傳病未入於藏故皆可汗而解

傷寒四日候

傷寒四日太陰受病太陰者脾之經也為三陰之首是故三日已前陽受病訖傳之於陰而太陰受病焉其脈絡於脾主於喉嗌故得病四日腹滿而噎乾也其病在胃鬲故可吐而愈

傷寒五日候

傷寒五日少陰受病少陰者腎之經也其脈貫腎絡肺繫於舌故得病五日口熱舌乾渴而引飲也其病在腹故可下而愈

傷寒六日候

傷寒六日厥陰受病厥陰者肝之經也其脈循陰器絡於肝

病源一

五

故得病六日煩滿而囊縮也此則陰陽俱受病毒氣在胃故可下而愈

傷寒七日候

傷寒七日病法當小愈陰陽諸經傳病竟故也今七日已後病反甚者欲為再經病也再經病者是陰陽諸經絡重受病故也

傷寒八日候

傷寒八日病不解者或是諸陰陽經絡重受於病或因發汗吐下之後毒氣未盡所以病證猶有也

傷寒九日已上候

傷寒九日已上病不除者或初一經受病即不能相傳或已傳二陽訖而不能傳於陰致停滯累日病證不能解者或三陽三陰傳病已竟又重感於寒名為兩感傷寒則府藏俱病



日數多而病候改變

傷寒咽喉痛候

傷寒病過經而不愈脈反沈遲手足厥逆者此為下部脈不至陰陽隔絕邪客於足少陰之絡毒氣上熏故咽喉不利或痛而生瘡

傷寒斑瘡候

傷寒病證在表或未發汗或經發汗未解或吐下後而熱不除此毒氣盛故也毒既未散而表已虛熱毒乘虛出於皮膚所以發斑瘡隱軫如錦文重者喉口身體皆成瘡也

傷寒口瘡候

夫傷寒冬時發其汗必吐利口中爛生瘡以其表裏俱虛熱熱不已毒氣重上焦故也

傷寒登旦瘡候

病源七

六

傷寒熱毒氣盛多發胸瘡其瘡色白或赤發於皮膚頭作瘰漿戴白膿者其毒則輕有紫黑色作根隱隱在肌肉裏其毒重則甚者五內七竅皆有瘡其瘡形如登旦故以名焉

傷寒登旦瘡後戒癩候

傷寒病發瘡者皆是熱毒所為其病折則瘡愈而毒氣尚未全散故瘡癩雖落其癩猶蠶或凹凸肉起所以宜用消毒滅癩之藥以傳之

傷寒諺語候

傷寒四五日脈沈而喘滿者沈為在裏而發汗其津液越出夫便為難表虛裏實久則誠語發汗後重發其汗亡陽誠語其脈反和者不死陽明病下血而誠語者此為熱入血室但頭汗出當刺期門穴隨其實者而瀉之漑然汗出者則愈病若讖言妄語身當有熱脈當得洪大而反手足四肢脈反



沈細而微者死病也讖言妄語身熱脈洪大者生沈細微平足四逆者死

傷寒煩候

此由陰氣少陽氣勝故熱而煩滿也少陰病惡寒而拳時自煩欲去其衣被者可治也病脈已解而反發煩者病新瘥又強與穀脾胃氣尚弱不能消穀故令微煩損穀即愈少陰病脈微細而沈但欲臥汗出不煩欲自吐五六日自利後煩躁不得臥寐者死發汗後下之脈平而小煩此新虛不勝穀氣故也

傷寒虛煩候

傷寒發汗吐下已後府藏俱虛而熱氣不散故虛煩也

傷寒煩悶候

傷寒毒氣攻胃故煩悶或服藥已後表不解心下有水氣其

病源

七

人微嘔執滿而煩悶也

傷寒渴候

傷寒渴者由熱氣入於藏流於少陰之經少陰主腎腎惡燥故渴而引飲

傷寒嘔候

傷寒陽明病熱入胃與穀氣并故令嘔或已經吐下虛熱在藏必飲水水入則胃家虛冷亦嘔也傷寒發熱無汗嘔不能食而反汗出漦然是為轉在陽明傷寒嘔多雖有陽明證不可攻也少陰病下利脈微澁者即嘔汗者必數更衣反少當溫其上灸其厥陰渴欲飲水者與之愈

傷寒乾嘔候

此謂熱氣在於脾胃也或發汗解後胃中不和尚有蓄熱熱氣上熏則心下否結故乾嘔



傷寒吐逆候

傷寒少陰病其人飲食入則吐或心中溫溫欲吐不能當  
吐之若始得之手足寒脈弦遲此中有寒飲不可吐也當溫  
之病人脈數數為有熱當消穀引食反吐者師發其汗陽微  
鬲氣虛脈則為數數為客陽不能消穀胃中虛冷故也

傷寒噦候

傷寒大吐下之後極虛復虛極其水鬱以發其汗者因得喘  
所以然者背寒中冷故也傷寒噦而滿者視其前後知何部  
不利利之即愈陽明病能食下之不解其人不能食攻其熱  
必噦所以噦者胃中虛冷故也又病人本虛伏執在胃則胃  
滿胃滿則氣逆氣逆不可攻其熱攻其熱必噦

傷寒喘候

傷寒太陽病下之微喘者外未解故也夫發汗後飲水者必

病源七十一

喘以水停心下腎氣乘心故喘也以水灌之亦令喘也

傷寒厥候

厥者逆也逆者謂手足逆冷也此由陽氣暴衰陰氣獨盛陰  
勝於陽故陽脈為之逆不通於手足所以逆冷也傷寒一日  
至四五日厥者必發熱前發熱者後必厥厥深熱亦深厥微  
熱亦微厥下之發其汗者口傷爛赤傷寒先厥發熱下利必  
自止而反汗出必咽喉中強痛甚為喉痺發熱無汗而利必  
自止不止便膿血者其喉不痺傷寒先厥者不可下  
之發熱而利者必止見厥復利傷寒病厥五日熱亦五日設  
六日當復厥不厥之者自愈厥不過五日故知愈也發熱  
而厥七日而下利者為難治其脈從手足厥逆者可灸之下  
利手足厥無脈灸之不溫反微喘者死下利厥煩躁不能臥  
者死病六七日其脈數手足厥煩躁陰厥不還者死發熱下



利至厥不止者死下利後其脈絕手足厥卒時脈還手足溫者為生不還者死

傷寒悸候

悸者動也謂心下悸動也此由傷寒病發汗已後因又下之內有虛熱則渴渴則飲水水氣乘心必振寒而心下悸也太陽病小便不利者為多飲水心下必悸小便少者必苦裏急夫脈浮數法當汗出而愈而下之身體重心悸不可發汗當自汗出而解所以然者尺中微裏虛表實津液自和便自汗出愈也

傷寒瘥候

瘥之為狀身熱足寒項頸強惡寒時頭熱面目熱搖頭卒口噤背直身體反張是也此由肺移熱於腎傳而為瘥瘥有剛柔太陽病發熱無汗而反惡寒為剛瘥發熱汗出而惡寒為

柔瘥診其脈沈細此為瘥也

傷寒心舌候

太陽少陰并病脈數緊而下之緊反入裏則作否否者心下滿也病發於陰者不可下下之則心下否按之自突但氣否耳不可復下也若熱毒氣乘心心下否滿面赤目黃狂言恍惚者此為有實宜速吐下之

傷寒結胸候

結胸者謂熱毒結聚於心胃也此由病發於陽而早下之熱氣乘虛而否結不散也按之痛其脈寸口浮關上反自沈是也脈大不可下下之即死脈浮而大下之為逆若陽脈浮關上細沈緊而飲食如故時小便利者名為藏結藏結病舌上白胎滑為難治不往來寒熱其人反靜舌上不利者不可攻之





傷寒病諸候

下

凡四十四論

傷寒餘熱候

傷寒病其人或未發汗吐下或經服藥已後而脉洪大實數腹內脹滿小便赤黃大便難或煩或渴面色變赤此為府藏有結熱故也

傷寒五藏熱候

傷寒病其人先苦身熱嗌乾而渴飲水即心下滿洒淅身熱不得汗惡風時效逆者此肺熱也若其人先苦身熱嗌乾而小腹繞臍痛腹下滿狂言默默惡風欲嘔者此肝熱也若其人先苦手掌心熱煩心欲嘔身熱心下滿口乾不能多飲目黃汗不出欲得寒水時妄笑者此心熱也若其人先苦身熱

四肢不舉足脛寒腹滿欲嘔而泄惡聞食臭者此脾熱也若其人先苦嗌乾內熱連足脛腹滿大便難小便赤黃腰脊痛者此腎熱也

傷寒變成黃候

陽明病無汗小便不利心中懊憹必發黃若被火額上微汗出而但小便不利亦發黃其人狀變黃如橘色或如桃枝色腹微滿此由寒濕氣不散瘀熱在於脾胃故也

傷寒心腹脹滿痛候

此由其人先患冷瘧因發熱病服冷藥及飲冷水結在心下此為藏虛動於舊瘕故也或吐下已後病不解內外有熱故心腹脹滿痛此為有實也

傷寒宿食不消候

此謂被下後六七日不大便煩熱不解腹滿而痛此為胃以



有乾糞挾宿食故也或先患寒癖因有宿食又感於傷寒熱氣相搏故宿食不消

傷寒大便不通候

傷寒陽脈微而汗出少為自始汗出多為太過陽明脈實因發其汗汗出多者亦為太過太過者陽氣絕於裏陽氣絕於裏則津液竭熱結在內故大便牢而不通也

傷寒小便不通候

傷寒發汗後而汗出不止津液少胃內極乾小腸有伏熱故小便不通

傷寒熱毒利候

此由表實裏虛熱氣乘虛而入攻於腸胃則下黃赤汁此熱毒所為也

傷寒膿血利候

此由熱毒傷於腸胃故下膿血如魚腦或如爛肉汁壯熱而腸痛此濕毒氣盛故也

傷寒利候

傷寒病若表實裏虛熱乘虛而入攻於腸胃則下黃赤汁若濕毒氣盛則腹痛壯熱下膿血如魚腦如爛肉汁若寒毒入胃則腹滿身熱下清下清者不可攻其表汗出必脹滿表裏俱虛故也傷寒六七日不利更發熱而利者其人汗出不止者死但有陰無陽故也下利有微熱其人渴脈弱者今自愈脈沈弱弦者下重其脈大者為未止脈微數者為欲自止雖發熱不死少陰病八九日而身手足盡熱熱在膀胱必便血下利脈浮數尺中自滑其人必清膿血若利止惡寒而拳手足溫者可治也陽明病下利其脈浮大此皆為虛弱強下之故傷寒下利日十餘行其脈反實死



傷寒病後胃氣不和利候

此由初受病時毒熱氣盛多服冷藥以自瀉下病折已後熱勢既退冷氣乃動故使心下幅牢噫噦食臭腹內雷鳴而泄利此由脾胃氣虛冷故也

傷寒上氣候

此由寒毒氣傷於大陰經也大陰者肺也肺主氣肺虛為邪熱所客客則脹脹則上氣也

傷寒欬嗽候

此由邪熱客於肺也上焦有熱其人必飲水水停心下則肺為之浮肺主於欬水氣乘之故欬嗽

傷寒衄血候

傷寒病血衄者此由五藏熱結所為也心主於血肝藏於血熱邪傷於心肝故衄血也衄者鼻血出也肺主於氣而開竅

於鼻血隨氣行所以從鼻出陽明病口燥但欲漱水不欲咽者必衄衄家不可攻其表汗出額上瀰急而緊直視而不能眴不得眠亡血不可攻其表汗出則寒慄而振脈浮緊發熱其身無汗自衄者愈

傷寒吐血候

此由諸陽受邪熱初在表應發汗而汗不發致使熱毒入深結於五藏內有瘀積故吐血

傷寒陰陽毒候

夫欲辨陰陽毒病者始得病時可看手足指冷者是陰不冷者是陽若冷至一二三寸者病微若至肘膝為病極過此難治陰陽毒病無常也或初得病便有毒或服湯藥經五六日以上或十餘日後不瘥變成毒者其候身重背強喉咽痛瘰癧不下毒氣攻心心腹煩痛短氣四支厥逆嘔吐體如被打



致斑此皆其候重過三日則難治陽毒者面目赤或便膿血  
陰毒者面目青而體冷若發赤斑十生一死若發黑斑十死  
一生陽毒為病面目斑斑如錦喉咽痛消便膿血七日不治  
五日可治九日死十一日亦死

壞傷寒候

此謂得病十二日已上六經俱受病訖或已發汗吐下而病  
證不解邪執留於腑臟致令病候多變故曰壞傷寒本太陽  
病不解轉入少陽脇下牢滿乾嘔不能食往來寒熱尚未吐  
下其脈沈緊與小柴胡湯若已吐下發汗飲柴胡證罷此為  
壞病知犯何逆以法治之寸口脈洪而大數而滑洪大紫氣  
長滑數胃氣實榮長陽即盛鬱拂不得出胃實即牢大便難  
即乾燥三焦閉塞津液不通醫已發陽氣盛不用復重下之  
胃燥畜大便遂儼小便不利榮衛相搏煩心發熱兩目如火

病源八

3

鼻乾面正赤舌燥齒黃焦故大渴過經成壞病

傷寒百合候

百合病者謂無經絡百脉一宗悉致病也多因傷寒虛勞大  
病之後不平復變成斯疾也其狀意欲食復不能食常默默  
欲得臥復不得臥欲出行復不能行飲食或有美時或有不  
用飲時如強健人而臥不能行如有寒復如無寒如有熱復  
如無熱若小便赤黃百合之病諸藥不能治得藥即劇吐利  
如有神靈者身形如和其人脉微數每死輒頭痛其病六十  
日不愈石尿頭不痛浙浙然者四十日愈若尿快然但眩者  
二十日愈體證或未病而預見或病四五日而出或病二十  
日一月微見其狀惡寒而嘔者病在上焦也二十三日當愈  
其狀腹滿微喘大便鞫三四日大便時復小溲者病在中焦  
也六十二日當愈其狀小便淋瀝難者病在下焦也四十三



日當愈各隨其證以治之耳

傷寒狐惑候

夫狐惑一病者是喉陰之為病也初得狀如傷寒或因傷寒而變成斯病其狀默默欲眠目擊不得臥起不安蟲食於喉咽為惑食於陰肛為狐惡飲食不欲聞食臭其人面目翕赤翕黑翕白食於上部其聲啞食於下部其咽乾此皆由濕毒氣所為也

傷寒濕匿候

凡得傷寒時氣熱病腹內有熱又人食少腸胃空虛二蟲行作求食食人五藏及下部匿病之候齒無色舌上盡白甚者脅裏有瘡四支沉重忽忽喜眠如此皆為蟲食其肛肛亂見五藏即死當數者其上脅內有瘡唾血脅內如粟瘡者則心內懊懷痛此蟲在上食其五藏下脅內生瘡者其人不寤此

兩源六丁

五

蟲食下部皆能殺人

傷寒下部痛候

此由大腸偏虛毒氣衝於肛門故下部卒痛甚者痛如鳥啄傷寒病後熱不除候

此謂病已間五藏尚虛客邪未散真氣不復故日暮猶有餘熱如瘧狀此非真實但客熱也

傷寒病後渴候

此謂經發汗吐下已後肺藏空虛津液竭絕腎家有餘熱故渴

傷寒病後不得眠候

夫衛氣晝行於陽夜行於陰陰主夜夜主臥謂陽氣盡陰氣盛則目瞑失令熱氣未散與諸陽并所以陽獨盛陰偏虛雖復病後仍不得眠者陰氣未復於本故也



傷寒病後虛羸候

其人血氣先虛復為虛邪所中發汗吐下之後經絡損傷陰陽竭絕熱邪始散真氣尚少五藏猶虛穀神未復無津液以榮養故虛羸而生病焉

傷寒病後不能食候

此由陽明太陰受病被下之後其熱已除而脾胃為之虛冷穀氣未復故不能食也

傷寒病後虛汗候

夫諸陽在表陽氣虛則自汗心主於汗心藏偏虛故其液妄出也

傷寒內有瘀血候

夫人先瘀結在內因傷寒病若熱搏於父瘀則發熱如狂若有寒則小腹滿小便反利此為血瘀宜下之其脉沈結者血

證諦也

傷寒毒攻眼候

肝開竅於目肝氣虛熱乘虛上衝於目故目赤痛重者生瘡翳白膜息肉

傷寒毒攻足候

此由熱毒氣從內而出循經絡攻於足也人五臟六腑并榮俞皆出於手足指故毒從臟腑而出

傷寒毒流腫候

人陰陽俱虛濕毒氣與風熱相搏則榮衛澀榮衛澀則血氣不散血氣不散則邪熱致雍隨其經絡所生而流腫也

傷寒病後脚氣候

此謂風毒濕氣滯於腎經腎主腰脚今腎既濕故脚弱而其入小腸有餘熱即小便不利則氣上脚弱而氣上故為



氣也

傷寒病後霍亂候

霍亂吐下利止後更發熱傷寒其脈微澀本是霍亂今是傷寒却四五日至陰經上轉入陰當利本素嘔下利者不治若其人即欲大便但反失氣而不利是為更屬陽明心強二十一日愈所以然者經竟故也下後當強強能食者愈今反不能食到後經中頗能食復一經能食過之一日當愈若不愈者不屬陽明也惡寒脈微而後利利止必亡血

傷寒病後瘧候

病後邪氣未散陰陽尚虛因為勞事致二氣交爭陰勝則發寒陽勝則發熱故寒熱往來有時休作而成瘧也

傷寒病後渴利候

此謂大渴飲水而小便多也其人先患勞損大病之後腎氣

病源

七

虛則執執乘之則腎燥腎燥則渴渴則引水腎虛則不能制水故飲水數升小便亦數升名曰渴利也

傷寒肺萎候

大發汗後因復下之則亡津液而小便反利者此為上虛不能制於下也虛邪中於肺肺萎之病也欲效而不能唾濁涎沫此為肺萎之病也

傷寒失聲候

邪客於肺肺主聲而通於氣今外邪與真氣相搏真氣虛而邪氣勝故聲為之不通也

傷寒夢泄精候

邪執乘於腎則陰氣虛陰氣虛則夢交通腎藏精今腎虛不能制於精故因夢而泄

傷寒勞瘵候



傷寒病新瘥津液未復血氣尚虛若勞動早更復成病故勞復也若言語思慮則勞神梳頭澡洗則勞力勞則生熱熱氣乘虛還入經絡故復病也其脉緊者宜下之

### 傷寒病後食復候

傷寒病新瘥及大病之後脾胃尚虛穀氣未復若食猪肉腸血肥魚及炙臠物必大下利醫所不能治也必至於死若食餅糲黍飴餹炙鱠棗栗諸菓脯物及牢強難消之物胃氣虛弱不能消化必更結熱適以藥下之則胃虛冷大利難禁不可下之必死下之亦危比皆難救也大病之後多多坐此死不慎護也夫病之新瘥後但得食糜粥寧少食乃飢慎勿飽不得他有所食雖思之勿與引日轉久可漸食羊肉糜若羹慎不可食猪狗等肉

### 傷寒病後令不復候

病源八下

八

傷寒病後多因勞動不節飲食過度更發於病名之為復二者謂復病如初也此由經絡尚虛血氣未實更致於病耳令預服藥及為方法以防之故云令不復也

### 傷寒陰陽易候

陰陽易病者是男子婦人傷寒病新瘥未平復而與之交接得病者名為陰陽易也其男子病新瘥未平復而婦人與之交接得病者名陽易其婦人得病新瘥未平復而男子與之交接得病者名陰易若二男二女並不相易所以呼為易者陰陽相感動其毒度着如人之換易也其得病之狀身體熱衝胃頭重不能舉眼内生眵四支拘急小腹疔痛手足拳皆即死其亦有不即死者病苦小腹裏急熱上衝胃頭重不欲舉百節解離經脉緩弱氣血虛骨髓空竭便怳怳吸吸氣力轉少著牀不能搖動起居仰人或引歲月方死



傷寒交接勞復候

夫傷寒病新瘥未滿百日氣力未平復而以房室者略無不也死有得此病愈後六十日其人已能行射獵因而房室即吐涎而死病雖云瘥若未平復不可交接必小腹急痛手足拘拳二時之間亡范汪方云故督郵顧子獻得病已瘥未健詣華專視脉專曰雖瘥尚虛未平復陽氣不足勿為勞事也能勞尚可女勞即死臨死當吐舌數寸獻婦聞

傷寒令不相染易候

傷寒之病但人有自觸冒寒毒之氣生病者此則不染着他人若因歲時不和溫涼失節人感其乖戾之氣而發病者此則多相易故須預服藥及為方法以防之







